

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 9. Zakona o kantonalnim ministarstvima i drugim tijelima kantonalne uprave („Službene novine Srednjobosanskog kantona“, broj: 8/03 i 14/03), te člana 33. Zakona o kulturi („Službene novine Srednjobosanskog kantona“, broj:13/06) i na osnovu Odluke o programu utroška sredstava utvrđenih Budžetom Srednjobosanskog kantona za 2021. godinu Ministarstva obrazovanja, nauke, mladih, kulture i sporta – za oblasti kulture i informisanja broj 01-11.7-2693/2021 od 15.4.2021. godine, Ministarstvo obrazovanja, nauke, mladih, kulture i sporta objavljuje

JAVNI POZIV

ZA ODABIR PROGRAMA/PROJEKTA KOJI ĆE SE SUFINANSIRATI IZ BUDŽETA SREDNJOBOSANSKOG KANTONA ZA OBLAST KULTURE U 2021. GODINI

I. PREDMET POZIVA

Predmet ovog poziva je prikupljanje prijava za programe/projekte iz oblasti kulture kao i za projekte izgradnje, rekonstrukcije i opremanja objekata u oblasti kulture utvrđenih Budžetom Srednjobosanskog kantona za 2021. godinu („Službene novine Srednjobosanskog kantona“, broj 01/21) sa pozicija:

- Tekući transferi drugim nivoima vlasti i fondovima - za kulturu;
- Subvencije javnim preduzećima – ustanovama za kulturu;
- Tekući transferi neprofitnim organizacijama - za kulturu i
- Tekući transferi pojedincima – za kulturu i nauku.

Program o utrošku sredstava utvrđenih Budžetom Srednjobosanskog kantona za 2021. godinu usvojila je Vlada SBK na 80. sjednici održanoj 15.4.2021. godine Odlukom broj 01-11.7-2693/2021.

Planirana budžetska sredstva raspodjeljuju se u okviru sljedećih područja kulturnog stvaralaštva:

- a) zaštita i očuvanje kulturno-historijskog i prirodnog naslijeđa;
- b) bibliotečka djelatnost;
- c) izdavačka djelatnost;
- d) muzička i muzičko-scenska djelatnost;
- e) likovna djelatnost;
- f) dramska djelatnost;
- g) filmska i kinematografska djelatnost;
- h) muzejsko-galerijska djelatnost;
- i) tradicionalni umjetnički zanati;
- j) izgradnja, rekonstrukcija i opremanje objekata.

II. PRAVO UČEŠĆA

Pravo podnošenja prijava na ovaj poziv imaju pravna i fizička lica (općine, mjesne zajednice, javne ustanove i preduzeća, neprofitne organizacije – udruženja i pojedinci) koja djeluju na prostoru Kantona u skladu sa Zakonom o kulturi i koji su opravdali dodijeljena sredstva iz prethodne godine u skladu sa potpisanim Ugovorom o namjenskom utrošku dodijeljenih sredstava.

III. POTREBNA DOKUMENTACIJA

Svi podnosioci prijava obavezni su dostaviti sljedeću dokumentaciju:

- a) Popunjen prijavni obrazac (preuzeti sa web stranice Ministarstva);
- b) Rješenje o registraciji od nadležnog suda (*pravna lica*) ili Rješenje o upisu u Registar udruženja Ministarstva pravosuđa i uprave SBK (*udruženja građana*) ili lična karta (*pojedinaac*);
- c) Uvjerenje o poreznoj registraciji - identifikacijski broj;
- d) Transakcijski račun (potvrda banke iz koje je vidljiv broj računa i da je račun korisnika aktivan, ne starija od tri mjeseca);
- e) Finansijski plan programa/projekta;
- f) Za oblast izdavačke djelatnosti – predračun ili račun štamparije o visini naknade za štampanje knjige i najmanje jednu recenziju od relevantne osobe iz navedene oblasti;
- g) Za programe/projekte koji se provode u školama dostaviti pisanu saglasnost direktora škole, odnosno nadležnog Ministarstva.

Pored prethodno navedene dokumentacije podnosioci prijava koji prijavljuju projekte za izgradnju, rekonstrukciju i opremanje objekata u oblasti kulture dužni su dostaviti i izjavu koja sadrži sljedeće stavke:

- da je/su vlasnik/ci objekta ili ima/imaju pravo upravljanja i korištenja objekta;
- da je objekat od javnog interesa;
- da nema zakonskih smetnji za izvođenje navedenih radova;
- da su osigurali dio sredstava za realizaciju navedenog projekta.

Sve prethodno navedene stavke trebaju biti na jednom aktu, potpisane i ovjerene od strane podnosioca prijave.

Napomena:

Dokumentaciju pod b) i c) - podnosilac nije u obavezi dostaviti ukoliko je isti bio predmet raspodjele sredstava u prethodnoj godini (2020. godina), osim u slučaju da je došlo do izmjene u navedenoj dokumentaciji ili da se prvi put prijavljuje na Javni poziv. Potrebna dokumentacija treba biti original ili ovjerena kopija.

Dokumentacija treba biti prikladno uvezana u cjelinu logičkim redom prema popisu potrebne dokumentacije.

Prijedlog raspodjele sredstava izvršit će komisija na osnovu propisanih kriterija i isti dostaviti na uvid Ministru. Konačnu Odluku o raspodjeli sredstava donosi Vlada Srednjobosanskog kantona na prijedlog Ministra i ista će biti objavljena u Službenim novinama Srednjobosanskog kantona.

Korisnici kojima budu dodijeljena sredstva podnose Ministarstvu finansijski izvještaj o realizaciji programa/projekta (**Obrazac K-4** će biti dostupan na stranici Ministarstva – www.mozks-ksb.ba), najkasnije do kraja februara naredne godine.

IV. KRITERIJI ZA OCJENU PROGRAMA/PROJEKTA I IZBOR KORISNIKA

Posebni kriteriji za vrednovanje programa/projekta za oblast u okviru kojih će se vršiti prijedlog raspodjele sredstava su:

1. zastupljenost u oblasti kulturnog i umjetničkog stvaralaštva;
2. zaštita kulturno-historijskog i prirodnog naslijeđa;
3. brojnost učesnika;
4. tradicionalnost programa/projekta;
5. stepen afirmisanja kulture i tradicije;
6. razvoj kulturnog turizma;
7. način finansiranja programa/projekta.

V. UPUTE O NAMJENSKOM KORIŠTENJU SREDSTAVA U 2021. GODINI

Troškovi kojima je moguće opravdati dodijeljena sredstva su:

- naknade za umjetnike i ansamble/autorski honorari (koji su tačno specificirani) te naknade za ostale učesnike u stručnom oblikovanju sadržaja programa;
- troškovi smještaja, ishrane i putni troškovi;
- troškovi pripreme programa: scenografija, kostimografija i drugo;
- troškovi lektorisanja;
- troškovi grafičke pripreme i oblikovanja;
- troškovi video, foto i audio sadržaja;
- troškovi tehnike (najam razglasa, rasvjete, instrumenata i slično);
- troškovi postavljanja pozornice;
- troškovi zakupa dvorane;
- troškovi oglašavanja i plakatiranja;
- troškovi štampanja (plakati, programi, katalozi, afiše i drugo);
- troškovi nabavke/otkupa/popravke/rekonstrukcije nošnji, nabavka/popravka instrumenata.

Troškovi kojima nije moguće opravdati dodijeljena sredstva su:

- dodatna oprema i tehnika (futrole, koferi, torbe, nosači, pultovi, ormari);
- troškovi telefona;
- troškovi održavanja bankovnih računa;
- čišćenje i održavanje prostora;
- troškovi plaća, dugova, kamata;
- izrada i održavanje internetskih stranica.

Podnosilac je obavezan na poslovanje bezgotovinskim isplatama i to:

1. sve obaveze za obavljanje usluge isplaćuju se na žiro-račun dobavljača;
2. oporezive isplate isplaćuju se na žiro-račun (ugovori o djelu ili autorski honorari za koje su plaćeni zakonom propisani doprinosi te porezi).

VI. PREUZIMANJE DOKUMENTACIJE

Svi podnosioci zahtjeva prijavnu dokumentaciju mogu preuzeti u elektronskom obliku na web stranici – www.mozks-ksb.ba.

VII. NAČIN PRIJAVE

Prijave se dostavljaju, u zatvorenoj koverti, na protokol Vlade Srednjobosanskog kantona ili putem pošte na adresu:

Srednjobosanski kanton
Ministarstvo obrazovanja, nauke, mladih, kulture i sporta
Stanična 43.
72270 Travnik

Na koverti obavezno naznačiti **prijava na:**

„Javni poziv za odabir programa/projekta koji će se sufinansirati iz
Budžeta Srednjobosanskog kantona - oblast kulture“
„NE OTVARATI“

Na poledini koverta obavezno napisati naziv i adresu podnosioca prijave.
Rok za dostavljanje prijava je 30 (trideset) dana od dana objavljivanja ovog poziva na stranici www.mozks-ksb.ba.

Programi/projekti primljeni nakon isteka roka neće biti razmatrani.

VIII. POTPISIVANJE UGOVORA O NAMJENSKOM UTROŠKU DODIJELJENIH SREDSTAVA

Sredstva osigurana u Budžetu, u skladu sa Odlukom Vlade Srednjobosanskog kantona, će se doznačiti na žiro-račun korisnika, na način utvrđen Ugovorom o namjenskom utrošku dodijeljenih sredstava.

IX. TROŠKOVI PROGRAMA/PROJEKTA

U postupku ovog poziva Ministarstvo ne snosi nikakve troškove učesnicima, te zadržava pravo da program/projekat prihvati u potpunosti, djelimično ili ga u potpunosti odbije, poništi javni poziv ili odbaci sve programe/projekte u bilo koje vrijeme.

Ministarstvo neće snositi nikakvu odgovornost prema učesnicima poziva, niti je obavezno objasniti razloge takve odluke. Dostavljena dokumentacija po javnom pozivu neće se vraćati.

Broj: 04-11-443 /2021

Travnik, 20.04. 2021. godine

